

臨川縣志卷二十三

寓賢志目錄

〔三國〕吳丁奉

〔晉〕郭翻

〔南唐〕賈崇

〔宋〕韓駒許忻呂本中李璆薛公采

張澂李璧管鑑尹塤林文仲

孫覲

〔元〕虞汲章伯顏

臨川縣志

卷二十三 寓賢 目錄

〔明〕李貞陳迪吳祺

臨川縣志卷二十三

寓賢志

三國吳

丁奉字承淵廬江安豐人仕吳為冠軍將軍封都亭侯計畧過人能斷大事孫休時遷大將軍休薨奉與丞相濮陽興等迎立孫皓遷右大司馬左軍師有毀之者皓徙

奉家於臨川

通志

晉

郭翻字長翔武昌人伯父訥廣州刺史父察安城太守翻

臨川縣志

卷二十三 寓賢

一

少有志操辭州郡辟及賢良之舉家於臨川不交世事惟以漁釣射獵為娛與翟湯俱為庾亮所薦公車博士徵不就咸康末乘小船暫歸武昌省墳墓安西將軍庾翼躬往造翻欲強起之翻曰人性各有所短焉可強逼翼又以其船小狹欲引就大船翻曰使君不以鄙賤而辱臨之此固野人之舟也翼俯屈入其舟中終日而去

通志

南唐

賈崇少勇果俗謂之賈尉遲事烈祖積官至侍衛都虞候

元宗嗣立擢神武統軍東都屯營使周師未及境盡焚其井邑棄壘而歸元宗責其奔潰之由且曰朝野謂卿爲賈尉遲朕甚賴卿一旦敵兵來至棄甲宵遁何面目至此耶崇叩首言朱元旣叛大軍失律城孤氣奪無數旅以禦要害雖眞尉遲亦無所施其勇惟殿下裁之以

忤旨釋罪長流撫州

通志

宋

韓駒字子蒼蜀陵陽人從蘇轍學轍稱其詩比唐人儲光羲由此知名累官至直學士坐蘇氏黨落職靖康初召

臨川縣志

卷二十三

寓賢

二

爲中書舍人知應天府徙黃州又以待制知蔡州請祠寓臨川久與太守會紆汪藻善年五十六卒於臨川寓

舍黃魯直稱爲佳士故其詩入江西詩派中

府志

許忻字子禮拱州襄邑人父中復爲撫州刺史遂家臨川初擢第時蔡京當國欲妻以女忻曰非吾偶也紹興間赴調趙公鼎叅大政詢以世務忻條十弊以獻丐祠去召試又辭程尚書瑀薦之得召對上謂近臣曰朕近得一許忻卿識之否堂除知無錫縣明年召還時方議和忻極言敵變詐詞切直除吏部郎出爲湖南運判兩易

廣西兼憲事後知邵州招陸復齋俱往至則興學校祠  
濂溪郡士嚮方家貧及歸蕭然如昔閉戶讀書卒年五  
十六艇齋曾裘甫狀其行其裔世居湖山里府志

呂本中字居仁世稱大東萊始以清望居通顯爲中書舍  
人去國來寓臨川及去而之嚴之衢之信後從二弟居  
婺在臨川最久時汪信民謝無逸與饒德操相與遊本  
中詩有疇昔交遊不乏賢二三豪俊聚臨川者指汪謝

饒也府志

李璆字西美京師人登政和二年第授陳州教授時張文

臨川縣志

卷二十三 寓賢

三

潛居陳璆師之召爲國子博士提舉江東學事陞辭敷  
奏詳明留爲秘書省正字三遷至左侍郎宣和三年知  
房州廷議將取燕璆諫曰太祖以聖武定天下取燕雲  
易如反手宰相如趙普輩尚不敢贊者識大勢重民命  
也況今時際昇平天下久不識兵乎時相惡之是年得  
燕坐前沮議謫監英州清溪鎮明年復爲郎試中書舍  
人奏寬元祐名臣子孫禁錮又嘗執奏宦官譚積旣廢  
不當復用山東盜起復陳十事忤大臣意奉祠南渡初  
除右文殿修撰知撫州未赴進集撰知吉州時江西兵

多爲亂璆因大閱擒其爲首者斬之賊唐英號小龍盤  
泊吉撫虔三境上璆獲賊將不殺使爲官軍鄉導賊遂  
平進徽猷閣待制爲潼州路安撫徙成都路安撫攝宣  
撫事進徽猷閣學士四川制置使復居成都多惠利三  
江堰壞則修之轉運司欲增草估錢則折之都計司斂  
民錢備冗費則罪之茶馬司請權出邊茶則止之蜀饑  
民流則發粟賑之治蜀前後十年人感其德卒於成都  
歸葬臨川西津之赤岡所著有清溪集府志

薛公采字公亮汝州葉縣人幼警敏繼母呂夫人汲公大

臨川縣志

卷二十三

寓賢

四

防姪女常攜公采歸寧外伯祖草堂先生器之嘗遇呂  
氏祠享公采陪位畢潛泣於外草堂聞之曰是必思親  
故也命設位於門外以祭見其奠獻合儀曰吾固知可  
教也遂留家誨之他日公采問修身行己之要草堂爲  
作十戒十勉詩遂終身識之自是崔鷗陳恬李廌爲延  
譽宣和初貢於京嘆曰與其干祿而違親孰若朝夕吾  
親乎遂歸公采自幼凜遵聖道故以畏自名嘗作詩訓  
諸孫朱文公陸文安公皆爲之跋呂成公贊其像曰今  
表冠古風節室如冰衾似鐵佩所聞雅暨耄見汲公無

愧色卒年八十四葬臨川招賢鄉昌厚原府志

張澂字達明舒州人官至尚書右丞建炎南渡嘗宰臨川因寓居題咏甚富有澹巖文集所居紙營岸崩得一古銅鬲土氣薄蝕礦戾盡去惟存精華高二尺六寸身尺三寸半足七寸半腹從徑尺有八寸橫贏二寸人莫辨惟右丞識之謂劉原父先秦古器記李伯時呂與叔考古圖趙德父所纂古今石刻吳儀圖所藏三代器皆未有大於是者府志

李璧字季章眉山人巽巖先生燾之子歷仕至參知政事

臨川縣志

卷二十三 寓賢

五

士論以璧文章伯仲葉水心詩詞輩行陸放翁晚遷於撫創峩峩書院買書藏於閣有臨汝閒書五十卷又注荆公詩當時推爲諸家之冠亦居臨川時所撰也府志

管鑑字明仲祖師仁仕至樞密鑑力學好修父蔭補官再調江西常平提幹始家臨川累官至廣東提刑權知廣州兼經畧安撫使移湖南轉運卒年六十三府志

尹塙字致道和靖先生之後以恩補官再任授江西茶鹽幹官寓臨川遂爲臨川人知南豐縣縣多彊宗前令莫能制塙一繩以法善類吐氣朱倬居臺端舉詞云盤錯

不避游刃有餘除金州倅卒年五十一

府志。今互見人物志宦業

林文仲字次章祖公選本閩清人爲瓊管安撫待次撫城因家焉文仲登宋淳熙二年進士授常德府司法李燾以性行良實職守靖共薦之嘉定初起家爲成都漕政政事和平爲蜀人所愛年七十卒子正嘉泰二年進士

通志作嘉定

府志。今互見人物志宦業

孫覲晉陵人宋宣和六年以尚書員外郎參詳貢舉嘗被謫道臨川寓宜黃最久爲縣令鄧庾丞周執羔作興造遷學諸記文辭雄偉有古作者風後以召去

府志

臨川縣志

卷二十三

寓賢

六

元

虞汲蜀仁壽人允文之後父珪知連州以文學知名汲仕宋爲黃岡尉宋亡僑居臨川崇仁與吳澄爲友澄稱其文清而醇家貧教授後以翰林院編修官致仕

通志

章伯顏以左丞致仕居臨川平章政事道童討賊江西請署行省左丞伯顏欣然爲起曰此正吾報國之秋也至則專任調遣設禦敵之計乘間出奮擊賊擣其營走之伯顏之功爲多未幾以疾卒後陳友諒攻江西道童退保臨川爲追兵所及死之諡忠烈

府志

明

李貞字世貞山東蒲臺人洪武初以廉謹調為樂安主簿

上官委監磚陶於臨川之金雞城前董役過勤卒於工

次貧不能還遂占籍於明賢鄉鄉人歲滴酒其墓焉府志

陳迪宣城人祖宥賢以從征有功調撫州百戶因家焉迪

以薦為郡學教授入翰林累官至禮部尚書太子太師

靖難兵起督兵江上還宣城文皇既入召問迪抗節不

屈與子鳳山等同日死通志。今互見人物志忠義

吳祺字貴德號西峯豐城陽原人也舊居火祺盡以址讓

臨川縣志

卷二十三 寓賢

七

二弟而自奉其父母以遷於撫城故今為臨川人中宏

治已酉鄉試授永平灤州學正宏治壬戌復以學正第

進士拜蘇州崑山令正德丁卯擢雲南道御史歷大理

丞少卿太僕寺卿進都察院右副都御史巡撫雲南祺

為人寬宏居官行已務剷去厓崿故所至無赫赫名人

多懷之嘗有吏污金織賜衣懼欲逃召而慰之曰污可

浣何懼為又損象笏曰物有壞時吾未嘗惜此在雲南

自沐國公藩臬守令以及諸蠻莫不幸祺久留一日袞

衣我冠坐廳事而卒年六十四葬金谿白水寺後府志

臨川縣志卷二十四之一

列女志一

節烈 烈女 貞女

節烈

采

陳氏適宜黃涂端友紹興乙巳賊發與被執者同驅入黃山寺陳罵曰我良家子義不受辱乃幽之複壁居數日族黨齎金帛贖還過半賊縱陳亦使去陳曰吾聞貞女不出閨闈今何面目登涂氏堂死之

臨川縣志

卷二十四之一

列女 節烈

梁氏歸王姓僅數月會元兵至夫婦俱被執有千戶強欲污之婦曰夫在情不忍帥釋其夫婦度夫行已遠卽拒罵奮力與搏被殺後夫謀更娶久不諧夢梁云我託生某氏當復歸君比遣聘詢其年與梁死日合

元

夏氏李宗頤妻元末陳友諒寇隆興賊至投井死

李氏餘干李仲公女仲公避兵臨邑遂歸邑人艾子高生子在襁褓苗兵猝至李與夫潛逃遺子於寢李復入取子至室被兵執欲污之罵賊而死子猶在懷中



明

雙烈曾氏袁溶妻娣黃氏袁湜妻明嘉靖辛酉八月十三日流賊入縣南境劫掠人民二婦義不受污賊劫之行遇深池赴水死賊去得其屍面如生妯娌攜手不解府縣以其事聞朝廷給銀六十兩建坊旌表額曰雙烈坊聯曰妯娌捐生貞烈一心昭日月朝廷旌表芳名千古振綱常知縣游日章爲省祭袁溶妻曾氏袁湜妻黃氏立又手書雙烈扁額於其家坊在百三都客山里入祀節孝祠

徐氏玉容知書明大義適蟾源張煒年二十夫亡服闋託

臨川縣志

卷二十四之一

列女 節烈

二

言謁華山志在死節作書先遣婢歸與姑永訣遂向紫元洞墜崖而死顏色如生經月不變胡先覺傳其事萬曆元年癸酉建坊旌表題曰張煒妻徐氏貞烈坊入祀節孝祠

周氏陳忠妻正德七年盜起忠率族人與格戰潰走周被驅自投於沼其伯母王氏楊氏孀張氏饒氏王氏及女金玉俱赴水死奉旨旌表一門七烈現祀節孝祠又有李貫五妻張氏梁元五妻周氏梁伯一妻晏氏俱被執不屈遇害王白二妻何氏王白九妻李氏歐蓋十妻陳

氏全式二妻陳氏全式三妻萬氏皆罵賊而死

邱氏王需妻無嗣早寡富人聞其美謀娶之厚往納幣翁許焉邱閉戶縊死應雲鸞奏聞旌表入祀節孝祠

李氏胥廷儉妻年十七正德壬申盜起突至其里與廷儉妹胥氏從後門出走羣盜追之至舍傍湖畔二女相攜投湖死

何氏舉人伍憲中妻聞夫計偕卒於京誓不復生初投河婢救之伺隙復投屋後池中死

陳氏黃廷賓妻御史紀之子婦也事姑孝姑卒於京同柩

臨川縣志

卷二十四之一

列女 節烈

三

南歸陳哭屢絕夢見姑曰玉河吾與汝相遇也及天津登舟問舟人水名對以天津玉河陳卽赴河死天津萬艘聞者哀之爲立孝婦祠

湯氏吳重佐妻夫亡撫女守節女嫁湯自縊死

婁氏昭溪左愈定妻正統時人愈定病時氏矢以死殉及卒卽自盡

周氏昭溪左三卿妻周孔十二女萬厯時爲里少乘醉戲侮忿激自盡年二十

曾氏曾益幼女節推徐景行長子銓妻十五歸徐敬承婦

道亡西避居母家爲兵所執強逼之不從初截其髮再斷其左臂憤罵益甚衆怒縛置柱間裂體剖腹而死胡氏利津令樂徽聲之妾徽聲殉難於任氏從死江氏縣諸生孔尙節妻尙節投左良玉麾下爲裨將鎮防池州崇禎十七年聞北京陷遂棄官江氏年未四十爲賊所掠欲污之指罵不屈賊怒斷其肱胷愈甚賊尸解之而去

國朝

饒氏魏星友妻年三十歲因吳宗堯圖姦未成氏同姑向

臨川縣志

卷二十四之一

列女

節烈

四

理受辱不甘俱自縊身死乾隆十七年題

旌

車氏鄒成祖妻年三十四歲因黃定文造謗污讒穢言辱罵氏氣忿自溺捐軀明志乾隆三十九年題

旌祀

節孝祠

吳傅氏吳觀海妻傅向九之女三十五歲夫歿潔清自守嘉慶二十三年十二月有族人吳美玉欲佃耕傅氏田傅氏不允美玉遂挾嫌誣姦氏赴縣鳴冤經族勸息次年二月族婦吳趙氏語及其事氏憤曰汝以我未死耶斥之去是日服毒身死時年四十歲族鄰具報傅氏堅

守節操抱忿捐軀於嘉慶二十五年題

旌

熊氏邠宇標妻歸宇標甫踰月宇標從師遠遊踰年凶耗至氏飲水食椒忍死待櫬歸一痛而絕年止十八歲郡守邵洪給扁額曰冰光遠澈

管氏豐城人適臨川劉達家貧解衣飾佐讀崇禎庚午達領鄉薦第一甲戌成進士令寶應擢御史按廣東當報命適甲申之變未得行順治乙酉挈家避兵豐城寓隱溪騎軍突至達逸氏被執不屈帥殺其子茂才脅之氏大罵達從弟鍾秀既匿免聞之亟挺身出謂帥曰卽舍彼黃金美女惟吾可立致也氏得乘間跳入深池自溺死帥怒并殺鍾秀達悲慘不自勝未逾月亦卒

臨川縣志

卷二十四之一

列女 節烈

五

鄧氏陳廣五妻年十九夫亡無子矢志靡他順治甲申山寇圍劫鄧匿屋後高明樓寇逼近遂投樓下藕池中死三日屍浮水面家人收而葬之

常氏周文甫妻明末避兵靈山兵至不甘辱棄抱孩躍井死越四日起之面目如生夫感義誓不再娶子三有孝行孫紹武因父病習岐黃後任醫學語及祖母輒號泣某氏婦乙酉夏兵至撫次日衆於南市天符廟側見刃死

一婦屍年約二十美姿當盛暑裏服皆三四襲上下以針線密縫衣口無隙可解蓋預防見執而誓以必死者衆哀棺殮之不知名氏傳太常櫬爲作歌以傳之

王氏孝廉許晉妻時值王得仁黨號楊先鋒肆掠郡東南王偕叔姑徐氏避兵渡江猝遇兵江潞爲所掠王奮罵曰吾名家婦豈受辱乎兵揮刀斷臂死徐亦赴江水死孝廉黃恢宏作烈女傳晉年四十感妻死終身不娶歲時詣墓哭之

袁氏五十四都官田吳光普妻順治五年戊子兵變攜女臨川縣志

卷二十四之一

列女 節烈

六

投楊溪死時年三十四歲

傅氏郡庠奕慶女適本邑王某康熙甲寅兵至被執行半里至秋塘岡下有深池卽投水死時年十八母家收而葬之近里周師山

王氏貢生樂隱聲妻乙卯被土寇執欲污之罵不絕口執至途中被極刑屠腸而死

黃氏傅明垣妻時寇發黃奔於郊賊尾急距百步許知不可脫路傍有清流遂赴之賊大聲呼曰吾不掠汝黃恐其緩已愈深入而死

謝氏黃三極妻三極以順治甲午舉於鄉未幾卒謝年二十有六母氏欲使易節迎之歸寧道經譙樓下赴水而死

某氏鄒賡錫妻賊掠不從砍數刀推墜坑中死

某氏熊立四妻甲寅閩寇作氏懼汚跳印山池水死同時徐氏黃徽十妻投古井死徐氏熊軒一妻被劫跳入迴龍岡前池中死見夢於夫求之果得其屍

傅氏傅占衡女適金邑黃獅渡廩生黃若轅一子一女大兵至恐辱母女二人同赴水死藍千秋有華溪行爲

臨川縣志

卷二十四之一

列女 節烈

七

是作也

郭氏黃希倫妻甲寅之亂被賊掠行里許給之曰無執我能行矣遂猝跳深池以死後求屍又得一少婦抱孩先沈此矣同時有鶴塘揭徐氏被賊追及投院前橋水死徐邱氏攜女同投水死長寧一鄉池塘中多有少婦屍不知姓名

王氏陳淑潘妻年十八生一子士韶僅二歲夫覆舟溺死王氏欲自投以殉從婦救止始立石涯次觀者莫解後翁死子長忽夜半至立石處投河而死鄉人烈之

陳氏明舉人吳助國妻二十二守節順治戊子金聲桓王  
得仁之亂陳氏遁途遇亂兵逼撞石而死年二十六  
左氏許曦昇妻順治戊子金王之亂被掠欲污之義不受  
辱遂爲亂槍所殺

游氏順治辛卯舉人游爲龍之女也適婁坊舉人邱振翼  
之第五子夜爲劫盜所逼義不受辱墜樓而死

吳氏張政五九妻甲申之亂土賊掠之上馬吳氏自投撞  
石破面罵不絕口賊揮刀斷之爲三

徐氏邳濱妻歸邳甫三月濱歿年方十九遺腹產一女傷

臨川縣志

卷二十四之一

列女 節烈

八

慟不欲生相繼而逝

烈婦吳氏吳宏六妻爲流賊所掠義不受辱死

黃氏劉國吉妻貢生劉懷瑜祖母也年二十四國吉死撫  
孤子元任甲申之亂避兵母家下村李姓一日土賊至  
衆鳥獸散不能相顧黃遽匿稗叢中衣襟稍露爲賊所  
見氏恐辱身舉石塊奮擊之傷賊面賊怒遂遇害肩背  
皆斷

傅氏適王避亂母家爲賊所執不屈死

樂氏揭河一妻甲申之亂避兵高坪爲土寇所掠躍入池

一中賊投石碎其腦池水盡赤時年十九河一繼室子奇  
生妻徐氏甲寅之亂爲騎兵所掠與乳母傅氏之女同  
置馬上驅之西去前望有危橋徐密謂傅曰吾與若得  
死所矣遂墮水死傅女從之徐年二十二傅年十八  
劉氏孔衍瑋妻前明吏部劉世享孫女順治乙酉土寇亂  
隨夫避湖頭俱爲賊所執劉氏自度兩命難全乞釋夫  
命夫釋教其速逃曰妻死猶可再娶無念我夫不忍去  
涕泣不休賊怒而殺之劉氏奮身投湖而死三日而尸  
不浮及覓其踪沒泥深尺餘

許貞姑乳名姤玉崇仁大橋里邑庠許廷魁孫女許字邑  
南鄉古崇源何公喜幼習女師學通書義年十歲卽自  
名貞姑不欲人呼姤玉也乾隆十六年貞姑年二十歲  
訂昏期十二月適十一月公喜母黃與族人口角族按  
地毒毆公喜疾往救母毆族傷數日死公喜下獄時議  
救母宜得不抵貞姑孀母萬欲俟壻果得釋罪另擇期  
嫁女貞姑泣曰夫救母獲罪雖死亦義也女已定期當  
往事舅姑若違期留女女有死許氏耳母知不可奪如  
期歸之慰事舅姑俾毋憂恐私念不得獄中一慰其夫